



Broj: 05-50-1-171/16
Sarajevo, 30.3.2016. godine

PARLAMENTARNA SKUPŠTINA BiH

- Zastupnički dom -

SARAJEVO

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 30.03.2016			
Organizaciona jedinica	Klasifikaciona oznaka	Redni broj	Broj priloga
01-	50-1-	15-23	16

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 50. sjednici održanoj 30.3.2016. godine, utvrdilo je Odgovor na **prvo** zastupničko pitanje koje je postavio Denis Bećirović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



Bosnia and Herzegovina
COUNCIL OF MINISTERS

Broj 05-50-1-171/16
Sarajevo, 30.3.2016. godine

Denis Bećirović, poslanik u Predstavničkom domu Parlamentarne skupštine Bosne i Hercegovine, na 23. sjednici Predstavničkog doma održanoj 12.01.2016. godine, postavio je sljedeće poslaničko pitanje:

„Šta je konkretno učinilo Vijeće ministara Bosne i Hercegovine s ciljem izgradnje društva jednakih šansi za sve građane i narode u Bosni i Hercegovini?“

Na postavljeno poslaničko pitanje, Vijeće ministara Bosne i Hercegovine je na 50. sjednici, održanoj 30. 3. 2016. godine, utvrdilo sljedeći

ODGOVOR

Oblast ljudskih prava

U proteklom periodu Ministarstvo za ljudska prava i izbjeglice je realiziralo više aktivnosti koje su imale za cilj stvaranje jednakih mogućnosti za sve građane u Bosni i Hercegovini a koje se odnose na:

Izradu Zakona o ombudsmenu za ljudska prava BiH koja je uslijedila u skladu sa preporukama UN komiteta koje su u međuvremenu upućene državi članici, a koje ukazuju na potrebu jačanja napora na reorganizaciji i jačanju Institucije ombudsmena za ljudska prava BiH odnosno usklađivanje Zakona o ombudsmenu za ljudska prava BiH sa Pariškim principima i preporukama Međunarodnog koordinacionog odbora i u cilju osiguranja efikasnije zaštite ljudskih prava građana u BiH.

Izrađene su Izmjene i dopune Zakona o zabrani diskriminacije s ciljem daljeg usklađivanja ovog zakona s *acquisem* EU i uvođenja zabrane diskriminacije na osnovu seksualne orijentacije, invaliditeta, vjere ili uvjerenja i dobi. U postojećoj listi osnova u Zakonu o zabrani diskriminacije, dob i invaliditet nisu navedeni kao osnovi za diskriminaciju te dodatno unapređuje postupak zaštite od diskriminacije.

U pogledu unapređenja primjene međunarodnih standarda u **oblasti zaštite dječijih prava** usvojen je Akcioni plan za djecu za period 2015-2017. kojim se nastoje poboljšati standardi zaštite prava djece u Bosni i Hercegovini.

U **oblasti poboljšanja ravnopravnosti spolova** usvojena je Okvirna strategija za provedbu konvencije o prevenciji i borbi protiv nasilja nad ženama i nasilja u porodici u Bosni i Hercegovini za period 2015-2018. godina.

Pripremljen je Izvještaj o pojavnim oblicima diskriminacije sa planom mjera koji će biti upućen na razmatranje na Vijeću ministara BiH te zatim na razmatranje Parlamentarnoj skupštini Bosne i Hercegovine.

Redovno se **izvršavaju međunarodne obaveze** proistekle iz međunarodnih ugovora multilateralnog karaktera koje je Bosna i Hercegovina potpisala, ratifikovala ili prihvatila.

U cilju **smanjenja socijalne isključenosti najugroženije manjine Roma** u periodu od 2009 – 2015. godine u budžetu Ministarstva za ljudska prava i izbjeglice BiH je izdvojeno **17.337.000,00 KM** za zapošljavanje, stambeno zbrinjavanje i zdravstvenu zaštitu Roma.

- Pored ovoga u navedenom periodu su izdvojena i sufinansirajuća sredstva u iznosu od 9.378.308,57 KM iz čega proizilazi da je izdvojeno ukupno **26.715.308,57 KM** za rješavanje problema Roma.
- Za stambeno zbrinjavanje Roma iz budžeta Ministarstva za ljudska prava i izbjeglice BiH je od 2009-2015. godine bilo izdvojeno **12.023.000,00 KM**. Ukupan broj izgrađenih i rekonstruisanih stambenih jedinica uključujući i završetak rekonstrukcije i izgradnje iznosi **565 stambenih jedinica**.
- Sredstva za stambeno zbrinjavanje predviđaju i podršku općinama u izgradnji infrastrukture. U navedenom periodu u projektima izgradnje infrastrukture evidentirano ukupno **662 porodica**, koji su korisnici izgrađene ili poboljšane infrastrukture u romskim naseljima.
- Za zapošljavanje Roma ukupno izdvojena sredstva za zapošljavanje Roma u periodu od 2009-2015. godine iznose **4.022.000,00 KM**. Putem ovih projekata zapošljavanja i samozapošljavanja u okviru cca 1034 osobe bile su korisnici ovih sredstava.
- Za poboljšanje pristupa zdravstvenoj zaštiti Roma u periodu od 2009-2015. godine ukupno je bilo izdvojeno **1.292.000,00 KM**. Sredstva su utrošena za poboljšanje ostvarivanje pristupa zdravstvenoj zaštiti, te su bila usmjerena na unapređenje zdravstvene zaštite pripadnika romske nacionalne manjine u okviru programa prevencije i edukacije.

U narednom periodu tokom 2016. godine predviđena je realizacija nekoliko prioritetnih aktivnosti:

- Strateška platforma za rješavanje pitanja nacionalnih manjina u Bosni i Hercegovini
- Zakon o pravima žrtava torture u BiH
- Zakon o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini
- Izmjene i dopune Zakona o nacionalnim manjinama
- Izrada Strategije za borbu protiv diskriminacije BiH
- Izrada Akcionog plana za Rome za 2017-2020
- Izrada Strategije za ljudska prava u BiH

Readmisija

BiH trenutno realizira projekat kojim se uspostavlja funkcionalan i održiv sistem prihvata i integracije bh. državljana koji se vraćaju u BiH po osnovu sporazuma o readmisiji. U vezi s tim, donijeli smo novu državnu strategiju iz ove oblasti, uspostavili mehanizam koordinacije na vertikalnoj i horizontalnoj razini uključenih institucija i organizacija, uspostavili institucionalne mehanizme u 11 lokalnih zajednica u BiH, u kojima je pritisak prihvata i integracije najveći, te rekonstruisali 29 stambenih jedinica za smještaj readmisiranih povratnika na određeni period po modelu socijalnog stanovanja u zaštićenim uvjetima.

Međunarodno pravna zaštita u BiH

U cilju realizacije obaveza koje proističu iz Zakona o kretanju i boravku stranaca i azilu, za sve osobe pod međunarodno pravnom zaštitom u BiH (priznate izbjeglice ili osobe pod supsidijarnom zaštitom), osiguran je pristup pravu na zdravstvenu i socijalnu zaštitu,

obrazovanje i rad, pod istim uvjetima kao i državljanima BiH. Sve osobe pod međunarodno pravnom zaštitom u BiH su zdravstveno osigurane, istima se isplaćuje stalna novčana pomoć, svi imaju radne knjižice u cilju aktivnog traženja zaposlenja na tržištu rada, i sva djeca školskog uzrasta pohađaju školu.